

Gvangjsih Minzcuz Bau

广西民族报 ganhhau: CN45-0036 B.2021 Nd.3 Ng.31 liggaueq sincouj nienz ndwenngaih cibgouj

Baihguenjbanh:

Gvangjsih Bouxcuengh Swcigih
Minzcuz Cunghgyau Swvu
Veijyenzei

Biengauj okbanj:

Gvangjsih Minzcuz Bause
Geizsoq: Gungh daih 3467 geiz
Geiz neix 8 banj

Bause Baez Daihseiq Caeuq Canghraiz Sawcuengh Ciemhcoh Doxdingh

Bonjbauq siusik (gicej Maj Veiyungz) 3 nyied 26 hauh, Gvangjsih Minzcuz Bause youq Namzningz baez daihseiq caeuq 5 baux canghraiz Sawcuengh ciemhcoh doxdingh, gap-guh bi ndeu.

Bouxfucujyin Swcigih Minzcunghveij Veih Yungjhungz camgya ciengz ciemcoh doxdingh neix caemhcai gangviah. Doengh bouxfucwz caeuq lauxhangz Aensiz Vahcuengh Sawcuengh Cunghgoz Minzcuz Yijvwnz Fanhyizgiz, Swcigih Minzcunghveij Minzcuz Yijyen Vwnzsw Cu, Gvangjsih Minzcuz Yijvwnz Yenzgiu Cunghsinh, Gvangjsih Sam Nyied Sam Cazcise, Gvangjsih Minzcuz Gauhcungh daengj caeuq danhvei caemh hangz, caiq gya boubien bouxgicej gungh 30 lai vunz camgya ciengz ciemcoh doxdingh neix, gyoengqde vanzlij lwnhyaeng baenzlawz gunghanz canghraiz Sawcuengh caeuq hawj Sawcuengh hwnghat lai ndei.

Veih Yungjhungz gangviah vixok dangqnaq vunz lai yungh, doigvangq Sawcuengh lij miz gizlawz nyomq caeuq gizlawz guh mbouj daengz, vixyinx daihgya baenzlawz aeu Sawcuengh raiz faenzcieng ndaej lai ndei, caemhcai gejdooq gij minzcuz cwnghcwz caeuq vwnzgen cingsaenz doxgven youz Cunghyangh ok de, hawj daihgya coglaeng rox baenzlawz guhhong caeuq raiz faenzcieng cij deng. De angqhoh gyoengq canghraiz Sawcuengh ciemcoh doxdingh neix, naeuz ciemcoh doxdingh le couh

miz giz hwnjdin moq ndeu, muengh geij baux canghraiz neix lai haenq-rengz, raiz ok cozbini maenhndei, caemh deqmuengh gyoengqde ndaej yamq hwnj lai sang yamq bae lai gyae.

Bause caeuq canghraiz Sawcuengh gaxgonq ciemcoh doxdingh gapguh ndeindet, neix couh roengz gieq ndei lo, bineix youh caeuq Yiz Ciz, Cungh Hihcwngh, Lingz Siuyangh, Luz Vanjcinh, Danz Hijvah 5 baux canghraiz Sawcuengh ciemcoh doxdingh.



▲Yienhciegz aen vizziz ciemdingh. (gicej Vangz Yinz ingi)

Cunghsenhbu Lwnh Vunz lai Angqhoh Cunghgoz Gungcanjdangj Laeb Ndae 100 Hopbi Guh Bet Yiengh Hozdung Daeuz

3 nyied 23 hauh banhaet, Cunghgung Cunghyangh hai aen hoih fat siusik lwnh vunz lai gij saeh guh hozdung angqhoh Cunghgoz Gungcanjdangj laeb ndae 100 hopbi. Bouxfubucangj ndaw Cunghyangh Senhconzbu faen guenj hong bingzciengz de Vangz Yaujveih youq mwh hai hoih lwnh le gij dajsuenq gvendaengz guh hozdung angqhoh Cunghgoz Gungcanjdangj laeb ndae 100 hopbi.

Ciuq Vangz Yaujveih lwnh, gij hozdung angqhoh de miz bet yiengh daeuz. Yiengh daih' it dwg daengxcungq dangiyenz cungj hagrox caeuq

son' gyauq lizsij aendangj. Yiengh daihngaih dwg hunghoengh hai aen daihhoih angqhoh Cunghgoz Gungcanjdangj laeb ndae 100 hopbi. Yiengh daihsam dwg bingzsenj, fathawj "aencieng miznaj caet it" caeuq bingzsenj haenhndei "song ndei it gonq (daengx guek bouxgungcanjdangiyenz maenhndei, daengx guek baux guh hong aendangj maenhndei, daengx guek dangjuceiz caengzdae yamqbae gonq)". Yiengh daihseiq dwg banh hozdung langhbaij hungdaeuz "mbouj lumj sim nduj, geiq maenh rap maz". Yiengh daihhaj dwg banh vwnzyi

yienjok hungdaeuz angqhoh Cunghgoz Gungcanjdangj laeb ndae 100 hopbi. Yiengh daihroek dwg hai aen hoih yaenglwnh lij lun caeuq aen hoih guhdaih gangj vahdae. Yiengh daihcaet dwg cau hguh buek vwnzyi cozbini caeuq gaiqhuq okbanj ndeu. Yiengh daihbet dwg youq daengx guek ndawsingz lajmbanj cungj guh hozdung vunz lai senhconz son' gyauq "cungj riengz aendangj yamq bae"; gak dieg nda hong guh gij hozdung angqhoh lai cungj lai yiengh.

(ciuq Yinzmingz Vangj)

SIUSIK DINJ

● Geij ngoenz gonq, miz bumwnz ok siusik, Gvangjsih miz bet gienh cozbini ndaej lied haeuj "aen gunghcwnghz cau hguh gij cozbini yisuz daizheiq ndei angqhoh Cunghgoz Gungcanjdangj laeb ndaej 100 hopbi".

(Cinz Vwnz)

● 3 nyied 26 hauh, youq Denzdungh Yen, Gozgyah Fazgaijveij, Swcigih Dangjveij, Swcigih Yinzminz Cwnghfuj guhcawj banh aen hozdung comz guh yienghndei daengx guek vwnzva gohgi veiswngh "sam roengz mbanj" (camh Gvangjsih).

(Lingz Cungh)

● 3 nyied 25 hauh, ciuq Swcigih Dijyuzgiz miz hoih lwnh siusik, bineix daengx bi Gvangjsih dajsuenq guh gij hozdung doxdax swcigih gaep doxhwnj lai gvaq 300 aen.

(Yi Civeih)

● 3 nyied 24 hauh, Bwzswz Si Denzyangz Gih ciemcoh roengzdingh aen hanghmoeg suenq dwg aen geiqdoh neix ndaw gih roengzciengz ceiq lai, gungh roengz 21 ik maenz. Gij hanghmoeg neix baudaengz hanghmoeg baengh rengz rumz fatdienh caeuq aeu ndit fatdienh.

(Veiz Bungzyen)